

四庫全書

集部

欽定四庫全書

御製詩四集卷十八

古今體一百四十七首

甲午二

新正恭奉

皇太后幸御園之作

撰辰曉出鳳城垣
煙市鐙棚景物繁
甲午今年新甲子

是日

甲子

春興此日駐春園
璇霄瑞氣霏銀粟

同雲密布已霏稷
雪盈盼優霈不寧

姬室

徽音奉

壽萱吉旦王師茲進勦

阿桂等奏各路將軍俱定期約於正月初十日分道進兵會勦

金川今日正當師征吉期而雪霰應占天龍送喜佇間捷奏

月間三捷額

天恩

夜雪

正月初十日

入夕依然灑細霏或疎或密最關情三重暖閣安能寐
一夜祥花問到明曉起鋪庭餘二寸遙思遍野潤新正

願移玉壘茲優渥

是日適當軍營進兵會剿之期而嘉雪恰慰盼望諸境多雪惟昨冬晴暖

勝常願移彼之多優霑於此處則軍務上蒼嘉佑耳繼彼王師適進

征

新正萬壽山對雪即事

侵晨益密六花霏有暇名山款墅扉若霧非煙春閣藹
凝華積素玉雕幾經冬曾是顯而望此日方知慙所希
京兆騰章真不誤已稱三寸渥郊畿

玉瀾堂口號

昆明漫惜未開氷湖岸
蜃窓恰可憑今日居然
愜神會
不生波處得心澄

宜芸館

書館凍池濱氷光不疊淪
却因心定處堪問古為
津馥
馥芸香遞明明藻鑑
陳淑躬審誠偽利物在
君臣詎祇
言無射端應行有遵
近方蒐四庫益覺味親人

樂壽堂

鏡水屏山地壽仁樂知堂
新年問傲景一雪報真祥
庭

積玉是濕樹生花不香三清漫烹茗早沃渴心腸

含新亭

春來萬物總含新却是虛亭趣識真柳眼花心雖遲
去聲

停靄樓口號

恰合拖成橫嶺白未妨蔽却豎峯青可知煙靄無情者
到此殷然也欲停

對鷗舫

幾架虛軒水裔臨過冬鷗鴈聚冰潯君王既得光輝借
江海何殊朋侶尋白芷青蒲聊結望寒蘆衰柳是知音
對之位育塵吾勉底論無心與有心

無盡意軒對雪作歌

春山偶問有餘清文軒恰坐無盡意經冬望澤不寧心
詰晨對雪忽滿志攢團豎灑復橫排昆明湖水面前開
入波正與練紋合亦有凍者鏡光揩玉泉咫尺乃不見
汗漫模糊連一片倏然露出兩鍼尖霏勢略停塔影現

既停復霈變幻奇白銀世界遊迷離在茲真佳多益善
悠乎心緒金川師一時莫定愁與喜無盡意哉有若此

怡春堂

怡為樂未發孟實仲初基堂額有如此予心豈異斯春
容猶足味艷齋且敘遲漢詔分明道思當絜矩之

題圓朗齋

披以大圓鏡對茲高朗齋靜惟鮮比擬光豈藉摩揩有
照原無示非奢却是佳小亭便言去那得永澄懷

石舫二首

桂檝蘭舟葳塢裏
却看石舫岸傍披蓬窓
憑處水花入
訪戴山陰有若斯

誰云凍浦澀行舟
玉海波瀾宛若浮
滕六不禁茲技癢
羽輿直使傲金鈎

清可軒

歸途循山陰巖軒所必至
拾級弗勞步凭几
實暢意千林
蔚餘池無葉有花
綴畫格在可中
詩品合清致
屏息

禮金仙銀世界遊戲

味閒齋

山西轉山北書館必經由聊以片時憩幾曾半日留云
閒閒豈得曰味味非投自幼讀無逸爾今可忘不

構虛軒

峯頂書軒在既登聊憩諸煙郊俯覽近鐙節恰臨初樂
趣願同彼靜思還啓予譬之春物豈其構亦因虛

詠痕都斯坦玉琬

剗出雲腴擎來雪椀磨是西濛之水挹殊北斗之
漿園規徑四寸而羸輕穀比五銖以薄截肪既美
超魏北鏤冰況巧壓吳工無翼斯飛有懷竭詠

良球本是出崑墟中

去聲

器成珍亦鮮

上聲

如巧製水磨貽

喀嗎

古時四巧匠名

羞稱吳匠富專諸

吳中玉匠多居專諸巷

羊脂比色

脂嫌膩楮葉方輕葉欠疎精玩弗求迺頻致每因擎用率
慚予

雪後御園即景

過午春雲淡以輕慰將惜並一時生不知足固人恒有
善遇亨當我戒盈銀沼鋪氷互融化瓊峯晃日益晶明
速教收取培林木行賞推恩例視成每逢雪後命步兵
及苑戶掃取培壅
樹根因即行賞歲以為例
亦推天恩之意也

賦得樂安和有序

顏寢殿之額曰樂安和意雖一貫義亦各具昔湯
之盤武之席莫不各有銘所以觸目警心也盤席
祇日用物猶亟亟焉而况朝夕所處之室乎各成

六韻以勅一躬

樂亦六情一因而額寢齋弗耽斯得正從欲實為乖花
鳥引機緒詩書蘊道菱當思不可亟恒念與之偕應在
雨暘若寧須綵竹排山端姑彼置五字識吾懷

右樂

向祇隨所遇

舊顏所居書屋曰隨安室取隨遇而安之義

今惟安在斯朝乾

實切矣夕惕亦居之適已非為合圖民乃得宜禮經著
和樂堯典仰文思建以賈生策計情鼂氏辭更殷深念

者永固萬年基

右安

和者寬仁施

去聲

是誠得衆緣溫而厲則可柔以發斯偏

性命保合正起居安養便莫慙衾影獨那溺景光妍無
欲心常泰有為身弼肩春臺一氣鬯與物共間然

右和

再題安瀾園十詠

莊經館

何處春生識得元翻書曦影照窓溫近因四庫叅詳校
乃悟窮經未易言

四宜書屋

圖來陳氏隅園景構築居然畢肖觀每月奏聞漲沙勢
何曾一日忘安瀾

無邊風月之閣

柳眼梅心孰為開清吹淡照兩徘徊可知風月無邊景
都是東皇一氣迴

涵秋堂

當春何必遽言秋而我成吟亦有由試看乾元含四德
欲教闕一可能不

遠秀山房

三架山房恰向西西山秀與坐床齊叅雲彼豈不為迴
在遠於斯望乃低

染霞樓

紅則為霞白則雲總為一氣所氤氲欲詢艷艷容容者

紅白於斯分不分

綠帷舫

水閣式教學舫為朗然水鏡倚窓披一般真舫難開泛
却得饒他捲綠帷

飛睇亭

疊石為山峙碧峻層梯信步攝齊登偶然飛睇還同樂
牆外煙村闌野鐙

煙月清真樓

月照煙如煙澹澹煙籠月似月溶溶清之至乃真之至
便是丹青那寫容

采芳洲

小立洲亭不礙涼岸林突兀映水光楚人欲起作騷者
試問如何斯采芳

素心堂有感

春意又依依春堂坐載暉芸編披古道梅缶護清醅靜
閱今和昔難評是也非人同素心者祇覺邇來稀

戲題活畫舫

近水齋稱活畫舫
舫來水岸却成孤
欲矜藏塢真舫者
可得平湖浮漾無

虛明室

室置蜃窓明且虛
甌香几淨稱觀書
方將深造搜四庫
寧詗多聞富五車
惟是返躬恒彼愧
可知棄暇莫斯如
循名設更通乎政
義著濂溪正切予

題錢維城獅子林圖

一角獅林壁未完

見維城自識語

補成全景運毫端為泉為石

分明憶若竹若松高下攢倪氏豈知黃氏占今圖又作

古圖看笑予幾度亦吟倣何似金剛四句觀

上元前賜宴外藩即席成什

穹窿黃幕寶燈垂錫宴諸藩取習

知穹廬瓊幕每於園西敞處張以賜宴

外藩亦向例也

廣席遍巡金鑿落遙山猶積玉參差行時陽氣

資生始施惠需雲受福宜物象人情胥浹洽際茲惟益

勵勤寅

陸治上元豐樂圖即用其韻二首

雅會元宵太史家

見治識語

論文酌酒慶年華
紙燈也足艷

時令火樹寧須綴萬花

東華不逐軟紅埃
古屋同人節讌開
飲到夜深還散去

却教明月送賓回

上元前夕小宴宗親

從綿萬禩受天慶
前夕元宵例有常
雖喜升堂多晚輩
顧懷侑爵少尊行
舞陳偃武兵戈洗
歌遇興賢奎壁光

今歲係
鄉試年
遠宇春雲復輕布繼霏六出願微穰

上元燈詞

鎮日濃陰傍晚晴盼膏慶節兩縈情豐隆合讓月天子
初歲元宵放夜明

人人都喜晚晴好燈有輝煌月有光我獨惜哉未繼雪
優霑乃可慶農桑

一輪初滿月方望萬燭齊燃夜未深寂喜西樓向西眺
雪光猶暎遠峯陰

瀛西漠北畢來賓
喜會樓前許接茵
設曰光明開智爽

耀華直到貴山垠

峇薩克汗阿卜賽遣其子阿第勒
爾統入覲命與朝正外藩及年班回

部同列
坐預觀

廣陵富庶四臨知
燈火今宵想益奇
已慙去聲還淳非易

事那更術藉葉天師

閒坐誰能古有由
炬輝蟾影閃如流
東坡便諫浙燈買

也自無端杭市遊

宋劉克莊燈夕詩
清於坡老遊杭市

燈王說法覺愚昏
竺國輪高十丈騫
摩竭陀風本如是

見西
城志

豈曾太乙讀龍門

火戲節違次第完雲興西北舉頭看人情於澤寧辭足
願霈祥花入夜漫

上元後一日小宴廷臣

御園前殿集簪紳翼日方筵例合因同此深心情未雪
詎寧悅目賞新春揆牋應是兼規頌在簾還聽奏翕純
漫道不經傳俗節由來生計為農民

司天應為惜華節舉首今宵月始圓

昨雖上元而憲書
於十六日方值望

故弗卜夜臨申讌啓歷多年率未燈燃甘醪羽爵寧須

再庶品蚌盤漫笑前雖是同堂斯愷樂良臣進勦正心

懸

阿桂等奏各路將軍俱定期於正月初十日進兵會
勦金川計連日正當得勝架入之期盼望捷音甚切

新正含經堂

例踰節事始來過率以燈筵慶賞多豈似芸編資古汲

已看梅蕊受春和諸家執臆說誠夥一室操戈理則那

刪駁折中信非易吾方勉此敢延俄

近命詞臣校勘四庫全書每取原書

披閱或繕寫進呈見其中有義解踳襍紀載失實輒為
題識辯論書之卷端亦有舉其謬舛處論諸臣隨時訂

正者

淳化軒

堂

舍

後齋

真

前步屨巡兩廊石刻早安勻昨經三做終

還始

昨歲曾取刻時雙錫油條填墨對臨自五月中
駐避暑山莊至木蘭行園迴蹕凡四閱月計臨三

遍

却鮮一如精與神略省察都愧往古少徘徊又是新

春即茲燈節寧能罷無易由言欲化淳

蘊真齋

蘊為發之始真則假之對真以蘊乃佳假以發斯味真

誠而假私返身必由內然與齋何涉循名實可背願言
勉克已如臨師保誨

理心樓口號

五官自是首乎心理則其施在酌斟不出虞書十六字
進之一字曰惟欽

敦素堂

溪堂臨治上治而尚凝氷宛是玉壺在依然藻鑑憑翻
書欣目朗即境得心激更契卜商會言詩可以興

含芳書屋

漫嫌紅紫勒花光
袞袞春來意已忙
書屋却欣善名副
青韶未卷正含芳

深寧堂

廊轉虛堂接既深
斯得寧梅益識春
白苔砌向陽青
桑鼎無俗韻圖書
餘古馨因思奠寰
宇詎獨在軒庭

樂性齋口號

性惟有善初無惡
此語嘗聞乎子輿
設使樂之弗以正

其流不可不防諸

新賞室

一室顏新賞三春方孟臨盼來有柳眼識得在梅心即
此消還息便成古與今棄閒頌佳會五字挾清吟

張訓禮園鑑博古圖

訓禮易敦禮二人非一人相如似有慕

書畫譜載張訓禮舊名敦禮避

光宗諱改今名又別載張敦禮傳初疑即係一人及細考時代敦禮乃括宗之塔前後相距百餘年當是名偶相同或慕其筆墨故擬其名
如司馬之慕蘭亦未可知
欲訝孰為真古器玩三代

閒庭聚四賓朱欄干曲畔梅信正含春

題痕都斯坦玉飲器

西崑玉工巧無比水磨

去聲磨平聲

玉薄如紙製為飲器佐

閒盃形異梓人載周禮半匡艾荷葉翻上一朶蘼蔔花
承底又如老蚌擘方諸映月分明欲生水撫不知痕眎
知痕何以措思何運指奇技直擬下增推徐觀又復弗
忍耳

詠官窰餅子

修內製瓷紺色佳稱粉青淨心七字偈守口四言銘鳴
自輕瓦釜古當繼土硯珍踰夏商鼎少貴似晨星

題錢維城山水花卉合璧小冊

迴溪響雪

大溪山下亘西東石上流泉赴壑淙比擬吳中千尺者
高低雖異色聲同

翠雲赤幘

雞冠
藍菊

輕盈態拂仙風動偃仰形擎瑞露滋恰似雞人將報曉

金烏欲上翠雲時

桂巖書屋

葉為玉綠蕊金黃
花下偏宜搆小堂
研北人閒摘彩筆
了知得句亦天香

露滑霞觴

萬壽菊
秋海棠

金臺玉盞漫稱揚
紅玉盤承萬壽觴
別註豳風以花譜
居然躋彼見公堂

寒灘釣艇

蒼巖枯樹帶前灣獨把竿絲釣艇閒莫訝寒灘魚不餌
伊人意豈得魚閒

省樹添香

紫薇
茉莉

白白紅紅雨不妨丰姿一例振瓊芳舍人名已翻臺省
那更閒花借助香

江樓帆影

倚巘層樓俯大江往來帆影見雙雙南巡燕子磯頭景
結習習中底未降

原書魚尾下書名訛誤

金田翔翠

黃米莉
藍雀

低亞高騫作態多風前相對舞婆娑布田設以黃金擬

翠羽應為姑栗陀

即靈鷲
出梵典

層巒蘭若

隱隱花宮據迴層一絲雲棧入峻嶒闌黎棲託真得所
不費功勲悟上乘

秋籬羅綺

木槿
剪秋羅

翦來初試綺羅新稱體顏如意相入親籬側不殊倚修

竹浣花詩裏識佳人

松潭魚籩

漁人援木幾曾求魚籩
周陸置淺流比似網網差覺勝
取因鱗類自來投

海西秋艷

洋菊

誰把籬東幻海西
金風玉露亦含羞
淵明驀遇應難識
五色由來令目迷

詠木鏤屏二首

過雨千溪漲生涯樂網師蓬舟撐出矣板閣凭觀之婦
子團圍聚罟罾左右隨澄潭羣集處活脫杜陵詩

右煙溪漁樂

春光鬯以和春騎出娑娑近水綠浮鴨遠山翠菴螺尋
花還覓柳度澗復循阿試問奚囊裏佳詞得幾多

右春林遊騎

題王著書千文真蹟

考古雖然多有舛

淳化間帖為王著審定其中世次節里多所訛舛米芾黃伯思輩每嘗議

之然摹勒精工古今刻本無出其右則亦未可盡非蓋著特昧於考古而其工書有家法史固嘗稱許之也

臨池何礙是其長一千丈撫精神蘊八百年騰紙墨光
初仕成都遇淳化疑摹智永識歐陽侍書際會傳佳話
些議寧須論米黃

宴坐堂中偶爾成詠

春雪旬朝消易燈宵七日過堂堂

自十三日至燕九例放燈七日

略

欣開後值幾暇惟是憂先望澤長歲久人情知莫測時
踰陽德頌方剛那稱勤學敢忘學更覺躬行慙不遑

味真書屋

鄴侯三萬卷誇富四庫而今望若洋試問屋中味真者
真知其味在何章

抑齋

長春仙館中齋額泐青宮

長春仙館予為皇子時所居也顏書室曰抑齋與重華宮

西廂同即位後凡園亭行館有可靜憩觀書者率以抑齋為額

到處茲數典坐來惟惡

躬業修德進未昔日此人同祇有抑然志庶幾如武公

皆春閣口號

一氣東皇佈始閭九瀛萬物盡皆春若論登閣對時句
祇在乾乾勵體仁

抱樸草堂

草堂稱抱樸白屋煦春和可共萬民豫惟虞六幕訖淳
風那易返藻句尚頻哦緬想茅茨世還應抱愧多

再題和闐玉關山行旅圖用舊題闐全關山行旅
圖詩韻

主峯獨隆崇盤磴自逶迤天容上覆青樹色側含紫太

白歌蜀道延之詠玉水誰知考工氏合相會斯旨質之
關全畫卒難分彼此

孫克弘松泉疊韻

松謖泉清響疊宣鳴陰雙鶴素翎翹韻中那得無三友
生面別開豈不然

詠漢玉小穀壁

圓徑去聲弗三寸而羸出土千年孕穀精了識明廷非子

執義因粒食得沿名

題錢維城天台十景圖

青溪煙景

源出洞天嶺匯流溪瀉漾鶴仙緬邇年徒杠涉今浪人
字起蘆汀去去赴鴈宕

赤城霞標

巖石色殷紅赤城名以寓如雉堞入雲可證審言句孫
綽意如斯莫謾錯注賦

霞標即雷標避暑山莊
祖亦曾以此名嶺星維城以孫

紳天台賦因石赤與
名不與赤城重疊乎

國清松徑

間邱訪二士豐干笑饒舌携手相與去入崖祇一瞥寺

額云夢兆

國清寺為隋僧智顗所建相傳顗初至天台夢佛指授有寺若成國即清之語因以為寺

額未識金剛偈

叶

佛隴經壇

西方極樂國金田銀界道是地嶺為名

自金地嶺下折谷中深篁密樹

間二水穿絡又西過銀地嶺有磨崖佛隴二大字智顗嘗登此講經而嶺以金地銀地命名頗含佛經界道之義
其義殊易曉納於芥子中分疏自了了

華頂凌雲

天台最高處凌雲數十里陰晴皆見日殊難明其理

華頂

為天台最高處舊相傳其上雖晴雨可見日出入但日出必至地平以上人始得見華頂雖高豈能見於未出之前或夏秋之雨遠近陰晴不同尚有罅漏可見若遇連陰雲翳四字咸周安能獨遺日出入處略無遮蔽耶其說蓋山僧傳會揆之於理殊不足信頂有經臺亦智顗故蹟

經臺傳何人依稀始智顗

石梁飛瀑

雲標滙衆流望梁千仞懸佳廬堪伯仲其餘皆眇焉石

橋原可度清詞憶少連

瓊臺酌醴

瓊臺懸中天金庭擅桐柏道宮築唐時其下淙靈液一
酌便登仙奚藉藍橋驛

桃源絢春

繡峯復續磧絢綵紅霞如千樹桃已然萬年藥豈虛緬
憶劉阮蹤寧讓武陵漁

雙巖佛屋

寒巖與明巖若斷復若續對峙鏡光映嵌崖有佛屋義
在法華經分座人天伏

萬年福海

萬年

寺名

對碧峯淨業修福海應真泛鐵船石湖至今在

衡文寫境人

錢維城視學浙江時經遊天台因圖其景以進茲維城殿又二年惟存此卷矣與

彼同千載

題和開玉鏤漁樵圖

樵徑漁舟託隱淪頗多廊廟致其身設因數典評高下

吳界終當遜渭濱

河南巡撫何燭奏報得雨詩以誌事

祥花瑞葉沐初旬暖律迤南作雨均

初十一兩日此間尚係得雪何燭

奏開封及各府州屬是日均已得雨益愈近南地氣愈早暖云

千里傳音來此日一時

慰念慶新春淺深次第膏雖別

開封歸德汝寧南陽陳州五府及許汝光三州

得雨二三四五寸不等露膏深淺雖殊而霰霖之滋則彼此被澤正同耳

近遠霑濡澤則勻

正值頒綸欣啓牘

今早以何燭辦理河南巡撫實心盡職其兼管河務亦甚妥協特加總督

銜示獎旨甫降而何燭奏玉適至因命即日同奏牘發往俾早承溫綽益勤宣德意體斯敷錫勉

勤民

聞兩路軍營攻得要隘信至詩以誌事

兩路馳軍報一朝達喜音

明亮以正月十一日在馬尼報捷阿桂以正月十二日在

谷哨報捷俱於

谷噶

讀作平聲

既采入

阿桂等奏於正月初十日子時派兵搶過

谷噶丫口佔其山梁三四處連得礮卡已入賊境一百餘里

馬尼

去聲

並深侵

明亮奏初十日

丑時進攻馬尼之前攻得礮卡殺賊二十七人賊目一人富德截出馬尼之後攻克礮口二礮搶奪木城殺賊三十餘和隆武於卡卡脚亦攻得二礮與明亮兵合而對河之德赫布亦攻得賊寨四十餘處馬尼中山梁五礮諸賊悉潰奎林以皮船渡至博堵亦得其木城二座

雪冒如平蔡

海蘭察等所統官兵自谷

陽山梁了口復行下滿風雪大作官兵穿林越險奮勇
直前轉戰二十餘里五更後又復大雪官兵轉乘雪霧
迷漫直抵礮根除黑夜礮斃賊人不計外共殺賊三十餘
火騰卜尅金明亮進攻拉

遂逼迤東大礮賊放鎗抵禦官兵不避危險蜂擁而上
於西面挖開石腳拋擲火彈復於東南角舉藤牌掩蔽

穴地實以火藥地雷轟發礮牆旗兵真識義屯卒亦輸
隨地賊大半墜死餘亦皆殲斃

忱此大官兵攻礮接仗倍為出力皆由八旗勁旅奮勇
先登綠營觀感激勵並效法恐後而屯土兵練亦各

踴躍奮勉咸敵愾么膺期就禽詎寧靳重賞在事出力
用命

土各兵俱加賞一月錢糧並令實用勵同心崇嶺彼失
將軍等查明分給寧溫母遺

據先是海蘭察等於初九日辰時即在谷嘴山梁了
口下埋伏賊人並未知覺至酉時見了口下有賊五

人海蘭察追躡之鎗殪其一餘皆竄逸恐其至賊營迭
信因議於刺穆喇穆橫嶺外分路進攻佔其左右山梁
及相近之債巴拉克山峯額森特亦據嶺東之色依谷
山梁海蘭察又佔最高之登古山梁賊於此等要隘並
未預為守禦今大兵皆入窮巢我可尋雖然宜戒滿籌
丁口賊已自失其險矣

筆倍生欽

兩路官軍所向克捷實賴
余惟益凜滿盈之戒以欽承

上蒼嘉護
眷佑耳

新春萬壽山清漪園即事

節後仍餘暇名山試重

去聲

遊東風已拂柳春水可行舟

蟻螻乘陽氣鳬鷺下暖流六橋阿那畔耕織又從頭

惠山園

詭石叢間路入從春園山水意將濃乘閒偶爾遊一晌
縮地居然移九龍繞砌近隄吐新草明亭暗竇間

去聲蒼

松南巡風景依稀在親切民情鎮芥習

玉瀾堂

樸斲溪堂號玉瀾西窓臨水鏡光寬東風解凍呈溶漾
春舫穿梭織綺紈魚陟冷猶怯未躍雁迴初以聚為歡

靜明

玉泉山
園名

塔影兩峯印便作聖湖一例觀

長春書屋

湖傍書屋號長春名副春來實倍親詎必柳桃輝錦繡
已欣山水蘊精神早收綵勝曲屏綴雅有芸編淨几陳
即景問何為契要乾元君子體惟仁

夕佳樓

西南日落際夕靄送西山空翠雖非候涼蒼正耐間幾

曾出目覩

遊萬壽山率辰來午返從未久
傳夕佳之趣亦不過想當然耳

惟是遣吟刪

親切會陶句山莊想像間

避暑山莊亦以夕佳名樓間
有於向晚經臨者於淵明詩

體會却
為親切

樂壽堂有詠

取名山水趣誰識建炎同

斯堂擅山水之勝因以智樂仁壽為名後閱董其昌論帖

真蹟云宋高宗書有樂壽老人之稱蓋其退居德壽宮以後所取茲葺寧壽宮為將來頤養之所堂成亦當以此名之宋高宗人不足慕惟冀得遂初心與彼或相仿耳

因待倦勤歲移題寧壽宮

為時雖尚遠所願幾

去聲

無空以去觀來者其期已過中

余有宿願以即位六十年滿歸政為期雖覺遠然自臨御至今三十九年而計則已過半矣

寄瀾亭

千頃昆明漾碧瀾頓殊前此對水觀試思一向寄何處

翻覆手原非二端

雲松巢

山雲一片白山松四時青松喜雲與護雲遇松為停青
白故素憩賓主胥忘形其間構巢居浮邱庶相應而我
何謂哉寧不愧德馨

瞰碧臺

依迴為軒可號臺湖光俯瞰碧漪開設如驀憶淮南子
不負循名是此來

邵窩

名因安樂取境與濟源殊

康節安樂窩在河南百泉之上庚午秋巡幸豫省臨恩曾

有詩茲雖借用其名非做其景也

適已非如彼及人惟勉吾山光方淡

蕩物意已昭蘇南望知霑澤

初十至十一京城得雪三寸而雲氣甚濃南望尤厚

知豫省雨雪必多何焟奏至果然

豫民同幸乎

留佳亭即景

向陽砌漸綠萌芽別解因生即景懷恰似春光未駘蕩

少留翻覺十分佳

水周堂

永解漾新流書堂信水周伊人誰宛在勝日我因遊刺
渚遲蒲芷浴波喜鶯鷗揆牋吟五字偶值興相投

詠官窰貫耳餅

渤氣猶滋火氣磨兩傍貫耳足穿過繫繩恰稱奴僮負
擷藹偏供詩客哦李氏奚囊堪伯仲陸家越器未差訛
如非守口擬致問把玩曾經閱幾多

題居節詩意八景即用圖中題者韻

春江罷釣

紅桃綠柳靄溪煙
野舫輕竿意洒然
何必重儻安姓字

那勝屈指數

上聲

賢前

春山晚霽

翠深江上遠山眉
南國春欣晚霽時
高士屢屣相話處
不嫌風裊鬢邊絲

谿山草閣

穀紈波漾草堂淨

此開文庫社題首句押環字以其出韻故不用

榕荔風翻夏

五寒隔浦山高猶不遠
晴光紅映寺樓欄

松壑雲泉

謾謾松風下碧空
秋雲欲斂尚滃濛
爭衡祇有飛來瀑
占得色聲莫並中

秋江曉雨

吳江雨落漲平流
洗不褪紅楓葉秋
禁得寒惟蓑笠好
罟罾猶自弄扁舟

絕壁飛泉

開錦層崖螺黛紋
網泉擘峽向中分
坐來三友相評量
寄興因之在水雲

寒林落照

溪閣誅茅樸且深
日斜波影泛松陰
後堂中婦供雞黍
飯罷惟應相對吟

山村積雪

近水流平遠嶽高
寒村玉色鎖林臯
不嫌冷踏瓊瑤碎
辦得芒屨與布袍

題古陶器睨鼎

古於金就範今見土依模問敢致彼楚製堪緬有虞肯
輕添鴿炭還覺勝睨鑪周代伯師似
西清古鑑有周伯師鼎其形似此
形疑法此夫

詣暢春園問

皇太后安因進宮即事書懷

順時行慶奉

慈徽歲節

駕言昨日歸遂以晨朝問

溫清便因春令返宮闌肅

禋勤學無非事客歲新年有若飛少壯此心都不覺邇
來何故每依依

出暢春園門由隄上至泉宗廟攬景有作

暢春數里達泉宗且止傳餐問路從隄上初春景何若
柳絲黃處帶煙濃

泉生新水注循涯近遠鱗塍一律皆原是自南流北去

故知舊記屬齊諧

萬泉莊之名雖不見於日下舊聞春明夢餘錄而丹稜汛則互見於二書

巴溝橋亦至今尚在惟所稱丹稜汛之水出巴溝以達於高梁則同歸失實蓋高梁之水由玉泉發脈匯為昆明湖流為長河經高梁而為通惠河水皆南流若萬泉莊高於巴溝巴溝又高於稜汛其水皆北流從無涓滴向南者曩以經理泉脈因地考訂始知二書所載之妄嘗作萬泉莊記駁正之

長隄幾曲似江郊
減從無須拂翠旂
底識今年春事早
山桃枝上已含苞

鑿湖積土遂成山
山色湖光暎帶間
祇以灌田費經理
豈緣問景事遊攀

既無塵復不生泥隱隱遙峯列迤西記得向年得句處
秣陵東郭跋驄嘶

崇祠種柏作陰濃屏息升香致敬恭春雪略霑欠優渥
更新春雨利三農

挹源書屋自警

萬泉莊側泉宗廟傍廟書齋號挹源為學因之悟根柢
觀瀾豈祇對潺湲盈科混混江海放成性存存道義門
偶有會心還自忖恐防終是託空言

向綠軒口號

嫩葉猶然未吐枝坐軒一向意依遲
饒他簷額傳春令
已是千林向綠時

主善堂

是處顏堂額

御園亦有是名

師資觸目存纔聞心每喜

禁中舊存張照

書聯纔聞善事心先喜
句最佳茲聚括為言

一協意彌敦階草春先識樹禽

靜不喧若云親切句即景在乾元

觀瀾亭有會

瀾雖水面紋然而致各殊因風以成者風定瀾遂無自
泉淙出者其瀾常自如是謂有根本觀宜在此夫於文
亦稱瀾厥源則詩書苟或尚辭藻誚同藉風乎子輿引
未發憑觀會道樞

湛虛樓

出樹高樓見墻外近為湖水遠溪田鱗塍千頃秧未插
益覺湛虛名副全

依綠軒

千林葉未綠綠意豈全無庭撫撐蒼柏砌看茁嫩蕪春
工善渲染畫態有同殊擬欲文軒問所依究孰乎

津逮亭

問津忽到源觀水可悟學過橋步詰曲小亭樓壘萃佔
畢非我事勅幾有先覺尚書六卷中師法垂昭卓艱哉
未逮津顧名顏愧渥

輝淵榭

平流落石峽靚若俯深淵疑有珠懷蚌故應輝媚川小

軒恰相對據榻為

去聲

俄延忽訝湧千斛由來漚吐圓

集遠堂

山堂虛牖向西披近渚遙峯各獻奇
驀憶集思武侯語
可因遠即忽遺之

西直門外

節過例還紫禁輿經筵

社祭仲春初連膝宿麥苗纔茁夾陌輕楊條已舒雖是
雪霑微欠爾預思雨霈正殷予去年此日相衡校潤溽

郊原惜不如

過弘仁寺瞻禮

飛來舍衛國

寺中栴檀佛像康熙四年自鷲峰寺移奉相傳此像為優填王所造當周穆王辛卯

年見釋結乾瑞相記

靈蹟孰能詳如是相好在經過瞻禮常當忍

草秀不夜慧燈光設繹弘仁義吾尤勉未遑

澄性堂

佛樓東畔築溪堂禮佛因茲憩坐常暖烘

去聲

嫩曦半簾

幕

春日向北行影上簾幕祇照其半夏至則全無矣

凍融新水滿池塘鳶飛魚

躍都弗藉

池小無此致

月印風吹亦足償釋氏云空孟云善

澄之斯識兩無妨

抱素書屋口號

逐步改觀隨處憩因之時復有詩酬不如書屋抱其素
恒此千春與萬秋

鏡藻軒

波面未刺蒲波心自梳藻蒲則待新生藻斯依舊好詎
蒲脆藻堅流覽悟其道蒲因現水面風霜固難保藻緣

潛水心冰凍所不到
叶披鏡契理趣凡物忌太表

湛碧亭

假山高不數尺春水湛已一池俯攬渾諧靜觀
去聲朗吟

弗雜綺思月上忖知鏡印風來真見練披小徘徊便言
去佳境那恒對茲

澹吟室口號

兩架書齋十笏寬恰如島瘦與郊寒澹吟底是全提處
言苦易工言樂難

題澄觀堂

堅氷雖解有微凌不鑿輕舟未可乘何必效勤御園似

御園內監往往以氷薄遂鑿通行舟每有詩厭之而習俗率不可禁翻欣脫俗素心憑堪

循北岸原非遠略憩虛堂亦絕勝研淨甌香春醞釀觀
於澹處契於澄

鏡清齋

氷鏡蓋如銅水鏡如玻瓈為鑑雖云同虛實有不齊水
或風吹浪水或塵翳泥均足礙其鑑照者因致迷然塵

猶可拭風則誰阻之內虛而外實體用兩相宜玩象得
中孚爻以示端倪


韻琴齋口號

春泉雖注力猶微恰是太音聲正希我不解琴會琴理
借他鼓動七絃徽

畫峯室

窓納假山峯室展真樹畫山假峯實立樹真畫譬掛至
竟孰真假莫非虛擬話萬事總如斯拘墟徒自隘偶向

室中觀豁然忘蕙芥



御製詩四集卷十八

欽定四庫全書

集部

御製詩四集卷

十九至二十一

編修臣
初喬齡覆校

總校官編修臣
程嘉謨

欽定四庫全書

御製詩四集卷十九

古今體一百二十八首

甲午三

細雨

二月
朔日

邇日軍書特繾念醒眠間遍五更鐘晚陰惟望雪其落
中夜何期雨乃逢所惜甘膏力徐淡遂號噫氣勢方濃
雖然未至興農候預為籌農憂每憧

詠漢玉飛魚珮

是珮蓋本爲素璧因破其半玉人因材製爲此珮
然又不知經幾百年矣輒成是詠

素璧本在炎劉前非蒲非穀象月圓入土血浸經千年
出土跌破非肯全幸茲一半猶善完玉人因材施雕鐫
飛魚作珮龜采鮮是故何以知其然凡深刻處脂質宣
平者依舊紅暈殷外匡內好可按看靈鱗振甲疑躍淵
稜稜鬚鬣如噓煙朗山浪水疑信焉李唐賜袋誠小旃
牧人入夢徵吉言

題唐寅摹古畫冊

家在梅村最深處却出石牆間獨步春風昨夜送暗香
遂至溪邊一探趣花開固佳弗開可詎必標紅及霏素
介然策杖無與言世人未足知其故

右梅溪獨探

倚巖築崇臺縱望窮茫忽乍見玉蟾蜍孤飛出溟渤金
波十萬丈高擎廣寒闕太白問已狂吳融叫未歇咨爾
卓立人於誰託心窟

右崇臺叫月

崖巔亭子俯長江
沙渚桅竿叢繫艤
尚有往來掛帆者
憐他名利未全降

右江亭帆影

古木喬而秀
遠山淡以深
踈皴難到處
活脫是雲林

右林臯秋霽

豎峯橫嶺周復遮
靈根託地惟清嘉
瘦篁有節益瀟灑
喬木無葉仍槎枒
王蒙鐵網珊瑚法
是耶非耶非是耶

右秀木疎筠

隨流不繫舟行可止亦可一翁倚篷牕覓句凝神坐興
在水雲間浣花明詔我

右篷窓覓句

目其泉色目斯外心其泉趣心斯裏若裏若外兩弗居
聊復倚欄聽以耳伯虎別撰出奇觀要亦不出三耳難
崢嶸振鷺勢雄健須臾歸壑為平灘歸壑勢雄復何有
試思萬事如是否

右水軒聽瀑

松聲濤則同
磬韻筑實似
清松或賴風
筑磬響無止
磬
兮與松兮相
遇隨天委筑
乎復濤乎浸
假由人擬古
鶴立枯枝無
端想亦疑

右松濤磬筑

宿雨初收山帶潤
曉雲欲泮樹含涼
橋無客過泥糊路
甬有魚來水漲塘
詩意全摹許用晦
畫情未異米襄陽
漫嫌頓置春遊興
萬頃溪田好插秧

右雲嵐煙樹

雪嶺鬱嵯峨竹橋策蹇過定誰風雅客那是利名科
寫出一時興摹來十幀多史家弄真者

見唐寅自識語

未識更如何

右竹橋策蹇

錢陳羣故詩以誌惜

沈去錢存勢已孤陡觀遺奏故人無江南忽爾失二老

沈德潛錢陳羣皆著年宿學凡御製詩章時命賡和于
午南巡兩人同舟迎駕曾賜以詩有二老江浙之大老

句德潛故已五年今陳羣又復謫逝
此後更無可與言詩之儒臣老輩矣
天子原非友匹夫

蒙邑應成蝶醒夢香山那復鹿重扶

最喜其和賜遊香山詩鹿馴巖畔當

童扶之句前歲春駐香山陳羣奏抵家摺適至即得香山
山適接還鄉信即景尤思扶鹿入二句於摺內批答隨

續成全什以賜並前此賜其歸里詩有
更期百歲領三班語孰意竟虛所望乎詩郵罷起北風

寄每有御製詩或於陳羣奏事之便檢錄
數十篇寄令和韻今後詩郵不復得矣
郢堊憐亡為

質吾

詠官窰雙耳餅

秘色陶脩內沈沈火氣冥脰無何以走耳有不關聽禪

客安心定仙人徹骨青提携踏花陌
逐步擷芳馨

劉珏織讀圖即用其韻

柴扉深閉夜窓虛暖藉重茅壓敝廬
喜有一燈照織讀
不須鑿壁惱鄰居

仲春祭

社稷壇禮成述事

幹中支在始是日戊子土養物孳萌是日修

禋祀寸心益敬誠

祈農念民重自肯識君輕三語欽斯兩餘如疑孟評

孟子

民為貴君為輕二語誠得責難之意為君者所當警省至社稷乃立國養民之本豈可轉列之次夫旱乾水溢事所常有惟在為君者盡心賑濟之即使祭祀豐潔又豈宜諉過於神而變置之其說為禮經所無不免過甚因如司馬光疑孟評之以為未可

入西苑門至素尚齋因題句

歲禮西華路可循
入門松石鬱天真
於斯祭服易常服
不覺孟春忽仲春
暫解山龍有餘敬
便拈筆硯可相親
舉頭素尚顏楣額
藻句翻嫌此勒頻

千尺雪

迴廊沿降即溪堂
窓戶雖開不礙涼
對面飛流垂石峽
花如雪笑却饒光

春來盼雪每成吟
眉玉當前那作陰
真自真而假自假
形容安足慰吾心

春及軒口號

和風暖律春將及
歸去來辭想像間
一例西疇速舉趾
我惟憂先

去聲

彼惟閒

春耦齋即事

春月已臨仲春田將傳耕邇來期集霏盼去

每成晴苑北演雖濶郊南耜擬行

耕耜前期向於豐澤園演

耕邇年以扶犁之禮久習不復預演而耕耜之

典則非遇巡幸外出歲必躬臨是以今歲耜田

計期甫屆迴轡

壁詩一再讀

春耦齋以弄田得名每當春時臨憩

仍擬親行也

吟詠必及演耕語書以粘壁今演習之禮已省脩誦曩詩不免滋慙耳

略愧向年

情

題植秀軒

種竹艱成徑寸枝雲棲拱把冒雲披
一番攬秀生清悟
物性有宜有不宜

純一齋有會

不雜之謂純不二之謂一一復天理存純克己私密內
聖外王學守此欲弗失

奎章勒樸齋五經兩言畢設曰逮其津更當亶無逸

聽鴻樓古體

延樓一區顏曰聽鴻偶攀其梯紛感吾衷太液春暖迴

鴈飛有聲無聲骨入思即今未戢金川師勗勞之子寧
母悲欲罷不能聽則慙以目送之更非淑

鏡光亭

臨水虛亭號鏡光微風不動液池滄岸傍人柳非昔樹
常乃幻知幻是常

待月軒

太液東臨碕岸假山西倚碧嶒素娥自應早見綠字雅
名合稱誰此依依心遲

去聲

對其貼貼波澄我惟偶來便

去待月於斯未曾

題董邦達畫

今人忽作古人兮憶昔西清侍几綈選壁難教新燈寫

藏軒聊復舊圖題兩峯合沓蓮宮迴萬葉幘幘茅屋低問

絹家風原未遠欣看二李已堪齊

邦達子董誥亦習繪事嘗命臨仿舊畫頗

有父風其較李思訓昭道之父子擅名應無多讓也

再臨快雪堂帖裝冊成因題以句

藏帖因名快雪堂伯衡鈎勒特精良

伯衡馮銓字銓此帖鈎摹最精兩經

臨寫知珍重一晌對觀祇慙

去聲

惶十卷如何漏淳化

以帖

義之快雪時晴為寇因而得名其墨蹟久入石渠寶笈右軍真蹟淳化閣收二王帖甚多不知何以獨漏此種

三希更以憶襄陽

快雪堂徒以一帖獲名予三希堂既藏快雪並貯獻之中秋王珣伯達二

種遂以名堂刻帖因憶米芾元日帖中有臨明聖大令真者在首氣皴林人之句喜其嗜古收謙故並及之

在前真者誠難似筆諫惟思寓義長

室中聯有花香鳥語羣生樂月霽風清造物心之

句因各成題六韻

有序

掖垣通右个地屬西清
朵殿啓重華門臨東上
欣

爾日帖披快雪偶乘批答幾閒溯當年榜揭高雲
長撫琴書意遠乃有一聯分署兼函樂趣於羣生
七字重摘直印心源於造物花無情而解笑鳥奚
事以能言月了了其入懷風冷冷兮翻帙此萬景
所以少盡藏之祕而一區斯焉便携取之資也顧
言志元從早歲在推尋顏孔之真而尊聞不隔異
時豈浮慕羲皇以上爰因耦句更毫臚吟

寓物不留意澄觀可會心昔時惟志樂此日切君臨映

砌花香遞隔窓鳥語吟巧簧度逸態清麝護流音宛轉
含旖旎悠揚效靜深春臺方詠蕩熙性願林林

右賦得花香鳥語

寶月方當霽惠風復溱清吹雲無點翳度籟有騰晶習
習如含朗明明似應聲一輪正梢上十日不條鳴李闌
文非擬程逢道自生流光入窓際憶昔此經橫

右賦得月霽風清

春仲經筵

朵殿彬彬羣彥羅右文大典舉春和兩題著論寧勞我一例輟為奚示他後獲先難詮以獨功崇業廣解休訛是日進講論語仁者先難而後獲書經功崇惟志業廣惟勤余作御論以克己復禮釋書題而解經則以用卿士引為為君者之責義似親切

載咨朗誦篇章者頌語漫陳願琢磨

題易後周易總義八韻

長沙撰總義觀象玩辭符總貫諸家解義通十翼扶人心即天地易理示規模多辯原成蹊求精翻涉麤彼非謂此是喜合率攻殊略覽廿卷有頗嘉各弊無發明尚

平正流布未弘敷設曰不言好安能槩置乎

詠痕都斯坦玉瓜瓣飲器

天方瓜樣夥此器肖瓜形瓢訝留斯白皮寧藉彼青一
花承妥帖五瓣列勻停貯水鄭門市攄裝裝驛亭種疑
召家圖泣匪楚王庭綿舛雖微雅賓夷亦惕經

間立本竹林五君圖

在七去二詠延年將謂創圖惟屬錢

顏延年於竹林七賢內黜山濤王戎

為五君詠錢選因之各寫其像并書顏作成卷久入石渠上等向曾效延年體題句意其圖創自錢選今觀間

立本此幀則圖意
蓋始自唐時矣

右相丹青忽逢此吳興結構那饒前

執籌王氏誠年利啓事山公乃進賢棄取其間非當

去聲

也精神箇裏總軒然衣冠猶見典午代風日應為春暮

天却看五君無酒氣

細看圖中五人皆無酒氣故戲及之

想緣深意戒賓

筵

題木繪四季花卉屏

洛陽名品冠三春芍藥翻為侍婢人真是積薪非蘧語

後來居上特精神

右牡丹

塗林五月爛然開有艷無馨各具材欲向香楠結好友
是屏以香楠木為之為同為異不須猜

右石榴

芙蓉似惜水華凋江岸盈盈照晚潮寫照畫工情不已
倩他代筆匠人雕

右木芙蓉

幅中真覺暗香孤玉冕還應遜此夫設校世間刀筆吏

知他清濁了然殊

右梅

仲春

朝日壇禮成述事

天宗三復地宗三

祭典惟崇冠五堪況以多年執禮潤適當剛歲竭誠參
榮光燭鼎祥煙鬱和氣浮卮瑞露湛

臨照炎精仰咫尺法欽陽德敢徒談

雍和宮瞻禮作

仲月

東壇舉祀親禮成順至

躍龍津別茲迴憶垂髫歲

予自十二歲進宮侍

皇祖何此忽為華

髮人昨暮今朝真逝水經筵祭

社又將旬

正月廿九日進宮舉行諸典逮今又旬日矣

書齋片刻旋言去因

欲詢

安謁暢春

仲春御園卽事

還宮言出御園常旬日韶光頓爾昌風坼埭頭桃蕾紫
暖侵階齒菜花黃纖張已覺嫌曦烘去聲舟泛寧須鑿凍
忙如此佳時如此處問軍書那問春芳

再題廓然大公八景

雙鶴齋

古柳籠堂合抱圍

是處昔又名
深柳讀書堂

胎仙駐此欲忘飛

昔誠是矣今何敢對立居然二老歸

規月橋

上下虛明全體披分成玉玦合成規訝登岱頂臨滄海
望月從看半出時

峭蒨居

鬱屈其間有路通玉峯高並兩玲瓏介如謾議無知識
全體精神注太冲

影山樓

山靜由來不動移浸將湖水漾明倚小樓訝似乾闥域

遊戲其間弄影時

披雲逕

石如雲片鬱煙綿亦有英英蔚與連
便望鋪空作霖雨知時愷澤遍公田

綺吟堂

綺言戒過未能吾觸目隨緣箋輒鋪
要亦多從性情出風雲月露得曾無

韻石涼

石本無聲泉有韻泉非迸石韻奚鳴世間萬理堪因悟
不藉相資獨豈成

啓秀亭

衆似雲紳俯靡迤峯如月脅闢玲瓏小亭峯頂全挹秀
啓沃因知造化功

桃花塢卽事

賜居西北御園隈

是處爲予十四五
六歲時所居之地

葺治乘閒偶一來

少小情懷昔悠矣惕乾朝夕此殷哉綠鋪砌草步如毯

白綻山桃訝似梅本是塢名擬吳下

蘇州閶門內有桃花塢其地傳為唐

寅故居今為市文房之所不以桃著此雖襲用其名而桃花之盛頗堪覈實也便疑雪海亦蘇

臺

品詩堂口號

此曾敬業此摘詞舊集今翻擬棄遺豈不慮為失故步
大都結習合忘之

副將軍明亮等奏報攻克卡卡角山梁詩以誌事

玉壘蠶叢境跬步皆奇險番賊所恃茲急切未易掩焉

尼既奪砦

明亮於正月初十日進兵即攻克馬尼壠口奪砦賊軍聲大振尋進攻卡卡角賊人據

守木谿明亮於十九日子時派令將領督兵分勦時有預伏峭壁下之空藍翎與善保守備田藍玉乘夜漏未盡率吉林索倫勒卒於萬難容足處駕空絕迹而行比黎明興善保田藍玉等已立於山頂官兵皆接踵而上賊見我兵從山峯石空中截出皆驚懼失措而山梁礮內諸賊咸望風潰餘皆奔竄統計殺賊五六十餘盡得木谿

礮寨

我軍鼓勇敢層層直逼進木谿亦墮陷而何卡

卡角當前險倍儼三面設計攻一線穿棧嶮

先是攻得木谿令官

兵暫為休息明亮等隨相度形勢於二十四日派兵兩路於正面西面仰攻明知賊所防備用以牽綴別派兵一千繞過山後截出東面進攻使賊三面受敵以期得手時東面溝內礮寨擲比我兵攔阻在內復派巴圖魯

拉布棟阿等帶兵策應合為一處雖將溝內碉寨或焚或奪然進退皆為地勢所限而正西面西面官兵亦以處險未能寸進相持至兩日兩夜察西面山麓絕壁中微有攀陟可上之徑興善保田藍玉即選健兵五百起越

先登豈意賊設伏火器潛來犯火熄技難施狡寇驚破膽

廿六日黎明興善保等將陟山頂忽有賊數十於峯下突

出排鎗欲犯我兵而鎗藥皆不燃賊即驚竄我兵因得直薄其前揮刀驅殺而賊人正面山嘴礮位亦隨火炸裂三面官兵聞聲相應勇氣百倍共殺賊六十餘而山寨逸出之賊於山梁相遇我兵又截殺其半盡佔卡卡角賊寨此皆賴上蒼嘉佑神力默助所致朕惟倍深寅畏並勗將軍等益知感激迅望集勲其奮勉出眾之興善保田藍玉前既賞以已圖魯疏茲復授與善保四等侍衛田藍玉都司即用以示獎勵遂得成

奇功覽奏額手感斯誠

天默佑何修彌自慊佇待取馬邦

由卡卡角而前地名庚額特其西山勢壁

立正面山脚直挿河沉惟山半羊腸一線可通有兩石卡阻路後復護以大礮土人云是促浸南路第一緊要門戶明亮等擬用大礮轟擊可望計日克捷遇此則為馬邦再進則為噶喇依賊巢惟冀仰邀天既掃蕩

金川速奏大捷賊巢近可撼

助順而禍淫

昭昭懸上覽着定速戢戈蒼生樂恬憺

花朝作

今歲花朝名副堪
女夷冉冉駐雲
驂已看次第韶華
鬢底藉徘徊芳信
探綠柳紅桃繪春
節輕煙淡靄學江
南獨憐未作東郊
雨農事方興望澤
覃

賜閩浙總督鍾音之任

海江保障寄儀刑
弗動色聲措輯寧
述職咨詢近前席
歸轅荏苒別明廷
兩疆所部連康歲
一路應知是福星
勗爾莫渝終始志
昭昭原不若惺惺

題和闐王鳩首杖頭

鑄銅及削玉

內府有漢銅及漢玉鳩首杖頭

鳩首杖頭為養老漢朝製

貢珍西域馳因他食甚譬啓我教民思設曰資扶策將

留待異時

予嘗有八十五歲歸政之志彼時或需杖扶持今則無藉乎此也

鈎填淳化閣法帖成因題以句

重鐫閣帖事雙鈎石版既成斯贅旒却命廓填排十冊

迴看初搨勝三籌解書那易工中選

米芾跋題上蘭亭帖謂此本是褚遂

良鈎填清潤有勁秀氣轉摺毫鉅備盡無真無與非深
知書者所不能到世俗所收或肥或瘦乃是工人所作
云云米芾雖有此論然鈎摹究係工人之事即書家偶
為講示一二客或有之若必謂字字廓填下親匠藝所

為必無是理假令為之恐巧者轉不如習者之得手蓋
宋芾輩好奇創為此說而後人習焉弗察遂為藝林口
實耳今此帖命選御書處刻工佳手為之雖未能
盡得原本神韻然於輪廓部位頗不失殊黍也 得貌
應從神外求惜紙因之惜摹本中郎恍遇步兵儔

淳化閣帖重刻既成因以雙鉤上石之本命工填墨
昨夏駐山莊幾暇比對臨寫較之追摹墨搨更能得
其用筆神理昔人所謂雙鉤廓填下真蹟一等也臨
倣凡三次始能脫其情而契其神而鉤填之本亦不
可棄也爰命裝潢成冊題識如右

題顧銓摹阮郗女仙圖疊題阮畫韻

行雲冉冉步璇空
虹帶霞衣世鮮同
殊彼一時降洛浦
致他八斗賦驚鴻

黃庭手把靜而娟
跳脫輕伊戀世緣
別有雙成翩赴約
飛來天外駕胎仙

阮學周_防王_肅顧摹阮後生師法視前人
不因新舊裝池異
咄咄憐他欲逼真

詠定室瓷枕

頭角崢嶸窳曲肱樂意真已羸珊作枕堪與錦為茵
若無火器睥然見古神如因成吉夢良弼定何人

題酈道元水經注六韻

有序

酈道元水經注自明至今惟朱謀瑋校本行世其
文與杜佑通典樂史太平寰宇記所引經注往往
不合又多意為改竄殊失本來面目近因裒集永
樂大典散見之書其中水經注雖多割裂而按目
稽核全文具存尚可彙輯與今本相校既有異同

且載道元自序一篇亦世所未見蓋猶據宋人善
本錄入茲經館臣排綴成編凡篇目混淆經注相
錯者悉加釐訂其脫簡有自數字至八九十字者
亦並為補正以數百年叢殘缺佚之書一旦復還
舊觀若隱有呵護者然亦藝林佳話也因題六韻
紀之

檢書斷簡萃全珍自序猶存善長真却以殘山將剩水
竟如合浦與延津笑他割裂審無術

永樂大典所載之
書類多散入各韻

分晰破碎殊無體
例是書亦其一也
際此完成若有神
南北少訛因未到

廊道元仕於北魏
雖曾出使關中而
足跡未曾一至塞
外故水經注中所
載邊地諸水形勢
未能盡合即如濡
水之源流分合及
所經郡縣多有訛
舛至江淮以南地
屬齊梁道元亦未
親履其地詳為考
訂祇據傳聞所及
襲謬沿疑無怪
其說之多齟也
古今略異究堪
循悉心編纂誠
宜獎觸
目研摩信可親
設以春秋素臣
例足稱中尉繼
功人

雪

二月十七日

邇日頻陰風以散
徘徊盼澤劇關情
誰知望外霏祥藹

乍似雪中沃翠
錫大片密絲勝正
月

北番較大於正
月十一日之雪
柳

煙榆火近清明既欣仍冀速晴暖恐勒東郊麥正萌

雪中舟泛四首

春水御湖早漾舟雪中佳致益相投浮空漠漠渾無定
一棹聊為汗漫遊

點數

去聲

那能數

上聲

首羅橫排豎注正耗耗樓臺幻作者

闌岨天雨花紛罩曼陀

傍岸山桃已著花亦浮動却亦橫斜借將雪影迷離處
錯認西湖處士家

銀鳳分明舞迴空入波無迹總消融最欣宿麥都含潤
春雪由來春雨同

晚雪

六花停向午傍晚復攢團霈勢繼前勢憑觀真愜觀增
來香土潤收去朗霄寬適可原宜止過多恐釀寒

喜晴

快雪還放喜快晴一天潤景曙光明西山遥積陰崖素
東沼初擎曉日晶碎玉垂珠融氣暖新萸弱卉颺風輕

披看京兆騰章奏欣共農民利舉耕

雪後仲春王泉山即景

塔影遙瞻峙兩峯到來熟路入門從新題自有韶光供
聲去舊詠忽看隔歲逢林隴紅湔如過雨山陰素積又疑
冬憑高潤野真宜望同與吾民樂在農

題華滋館

華滋今日信華滋雪後春和晁曉曦每到傳餐率於此
遂教勅政問何其土香帶潤輕園砌花氣含颺近撲帷

又見西山齊薈蔚設為甘雨我寧辭

翠雲堂

館後有書堂翠雲雙檜蒼園中斯最古戶外迴含涼引
趣目山水怡情足縹緗却惟永便去席不暖其常

甄心齋詠竹

碧池帶其前綠竹屏其後前年竹作花琅玕日萎就昨

歲得醫法病祛茲益茂

前歲竹偶生花林中竹皆枯萎
昨因命詞臣校錄永樂大典取

其不甚經見之書搜閱有所謂農桑輯要者載治竹花
法云竹花結實如稗謂之竹米一竿如此久則舉林皆

然惟於初米時擇一竿稍大者截去近根三尺許通其節以糞實之則止試之果驗是因翻大典體物奇功售猗猗萬葉茂蟲蟲千竿湊映日鸞鳳舞搖風笙筑奏較何實改觀開卷有益究雖然吾轉惡施政曾未覩

題樂景閣

崇樓碧沼中倒影入波紅界畫羞二李仙居俯八鴻圖書消永畫花柳榮光風春景真堪樂吾民可遍同

竹鑪山房戲題二絕句

捨舟碕岸步坳窠兩駕山房清且嘉
早是中涓擎椀至南方進到雨前茶

莫笑殷勤差事熟喫茶得句旋去聲前行設教火候待文

武亦誤遊山四刻程

題聖因綜繪閣

湖上行宮傍聖因

西湖行宮在聖因寺西

箇間肖築逼如真廿年

松栢漸成古

辛未南巡始攜園以來閱歲落成

昨歲丹青重

去聲飾新已適

廿年丹青不無剝落固重飾之

水態峯容學明聖花光樹色沐精神繪

來亦祇綜其要那識吾心念在民

清襟樓口號

望遠臨空信灑然襟懷霞舉不期仙清乎與否由人耳

藉此翻成為

去聲境遷

寫流軒

春水本無定春流若有情東西各隨意高下便傳聲可
悟文章趣誰分涇渭清看他幾曲寫適我五言成

冠峯亭放歌

樓霞紗帽峯易名謂玉冠既每形之吟亦屢對之面爾
時同志兩三人尹沈錢均賡和徧屈指曾無十年久一
一凋零吁可歎此亭異彼曰冠峯名異而峯實則同江
南燕北圓蓋內冠峯玉冠奚爭雄往古來今祇瞬息聯
鼎前席何芥胸臨風一笑合去矣向之所言皆戲耳

雲鶴岑口號

雲非有意東西影鶴自無聲嘹唳聲聽觀由人會清寄
高岑總莫繫閒情

淡佳齋

山腰盤石磴聊問迤西景落斜弗甚高凡脊堪稱巔巔
上有書齋南望無他屏溪田尚未耕候早北地冷浸塍
春漲足興犁功倍省一枝兩枝花半水半山境真淡以
為佳意亦與之永

戲題棲霞室

一年或到或否三間惟樸惟幽笑我構築何謂對茲忸
怩然不

仁育宮瞻禮

宮觀例崇金碧為年深因事鼎新之一枕香炷落成日
上帝居高臨照時基命惕乾申有恪勅幾宵旰奉無私
敷天萬物資

仁育敝錫知艱願勉茲

肩輿迴御園四絕句

山前山右小遨遊漏下曾無廿刻留略騁目吟十餘首
春光亦足曰相酬

一枝紅杏傍溪開
訝似寒山別墅梅
分付兩峯宮塔影
暮春待我或重來

寓意由來貴弗留
更無須下玉河舟

玉泉為水源自玉河至昆明湖乃乘

流而下

青龍橋畔麥塍接
已見新秧翠欲流

馳驛遊山是我常
山靈應笑我何忙
肩輿往即肩輿返

為

去聲

切軍營問驛章

題陳居中畫馬用文徵明韻二首

名筆方傳名馬奇
玉題錦蹕稱裝池
圉人雖執長韁控

卓立還思千里馳

吉驕一例此權奇

土爾扈特親王策伯克多爾濟以所得色爾克羅斯馬來進調習經歲昨秋

御以行圓性果馴良因錫名寶吉驕並紀以詩色爾克羅斯為洪豁爾所屬界鄰俄羅斯更在哈薩克西北茲以土爾扈特全部歸順始携貢中國前此未曾聞也 洪豁即洪豁爾急呼之成兩字 遠於鹽澤

池畫肉中猶兼畫骨肯教韓幹獨名馳

題傅寅禹貢說斷六韻

指南向已題毛晃說斷茲當屬傅寅

前於永樂大典內集得毛晃禹貢指

南一書曾為題識六韻茲復校輯傳寅禹貢說斷四卷其於五服九州三江四海辨論甚精呂祖謙唐仲友皆

並稱之其書五服九州辨貢賦三江四海析涯垠積年實可傳布也

累月而窮究繼晷熬膏亦苦辛代易時陳因失舊定說

補闕為完新

朱彞尊經義考載宋傅寅禹貢詳解二卷通志堂九經解亦嘗刊入稱原缺四十餘

簡今永樂大典所載則題曰說斷並無詳解之名且經解所稱缺簡具在並有多至數倍者又卷前四圖經解誤入程大昌論中茲亦從喬行簡原序校定並為之正訛補缺粹然復為完書矣祇台妄以知

德先

去聲

紛彼奚辭注語頻更有諸家難著筆流沙今越

海西濱

禹貢疆域限於九州其極遠者至泥沙而止今自平定津部同部以來幅員所拓西踰泥沙萬

餘里更在九州之外豈依經著說家所能罄乎

古玉環八韻

肉好適相等璧非知是環
蒼宏血弗碧杜甫斗曾殷

曾問

朱旗北斗殷
杜甫句也

誰氏佳城出何年瑞府班
謁諸直士拒賜

處諫臣還離相文明炳月規
胸臍刪縟紋疊起伏古色
蔚瀾編撫手渾無迹照心真
自憫如云受王母景仰在
其間

沈周蕉石閒吟即用其韻

羣比石畔把篇居研義寧同不下漁
自覺其中趣可樂

非關欲上太平書

題王晉卿九成宮圖

精工渾是李昭道題識却稱王晉卿避暑恰欣窓納爽
飛泉本自杖疏清羲壇禹洞高低辨月宇雲軒掩映呈
為問作銘合誰氏不忘規定魏元成

啟蹕恭謁

東陵即事

禁火賣錫候修阡掃墓天顚心膽

二鼎瞬息閱三年

自庚寅至今
凡三年矣

清曉問

安別當春啓蹕前憑輿頗愜意綠麥茁芊芊

過潞河

古潞受諸水至茲成巨川春流縱微弱夏節慮防宣平
野戒長路浮梁方衆船輕車橫渡處塔影聳墟煙

曉行四首

趑曉啓行曉氣清綠楊紅旭上銅鉦肩輿四望心怡者
潤露濛濛麥始萌

迤北橫山列屏障田盤遙見遠峯尖
忽鋪輕霧標殊旨
卷密放彌一刻兼

改火風過暖不涼路傍夏店

村名

面南望少年曾是經行

處昔日吟情祇合忘

煙村水郭動相連老幼出迎意頗虔
總總資衣資食輩

無他治法為

去聲

祈年

見新耕者

畿輔民何幸連歲頗有收秋麥已茁
芽春麥復播時不

惟春麥然禾黍種

上聲

堪投是因地氣潤曾無艱種

去聲

憂

路傍任叱犢弗令呵前騶仍飭禁蹂躪同民祝甌窶

白澗行宮晚坐

寺傍行館居停便却是蓮宮朱一臨

寺為尼院故弗去

平野潤

含雪後澤遠峯輕作晚來陰閒花不讓清明節古柏遙
籠鐘磬音坐閱歷年題壁句如傷依舊視民心

題隆福寺行宮六景

翠雲山房

三年曉眼此重來
雲翠依然淨絕埃
火迫杏花四五朵
憐他也識應時開

翠微室

室築陂陀號翠微
卑宮祇愧與心違
若論山氣含青縹
爾雅堪稱體物幾

碧巘丹楓

丹楓冬過全渝紫
碧巘春來轉益青
虛榭弗涼開牖望
錦圍繡疊一層層

天半舫

窓置玻璃向遠披坐來遊目每移時青松設擬為雲海

便欲長吟杜甫詩

謂春水船如天上坐之句

挹霞叫月

霞無晴晦都堪挹月異朝昏率可呼然此胥為高士事
存其趣耳豈關吾

翼然亭

一絲詰徑壁間緣遂造孤亭俯衆巔愛爾軒軒霞舉意

我心時亦與之然

茶謁

孝陵

建極萬千世

宅中百廿年

橋山親指顧

相傳

孝陵吉地乃順治年間
世祖行圓至此

親指定著

闕殿永精虔著草滋春露

雍正年間
神著載在

孝陵產
實錄

松枝

護瑞煙曾孫緬

開初益慎佛仔肩

恭謁

景陵

年年避暑莊若侍

几筵傍來謁益增痛遑云不敢忘

祖孫都一脈

鑒識有殊常思此惟憂懼勤勞勵日獲

孝賢皇后陵酌酒

叩謁展思慕迴逢酌

卷十九

孝賢兩言真不愧百歲假前緣永切

慈心憶那知曾輩連命興還就道餘戀祇宜捐

臨故大學士傅恒墓賜奠

佳城咫尺蹕遑傍莅止因之酌桂漿已歷廿年資輔弼
又驚三載隔陰陽先茲於汝應相恨後此顧予轉自傷
無忌昭陵雖有例那敢賜奠痛文皇

桃花寺行宮作

展謁言旋此懋傳心猶戚戚未云寧藉茲佛宇消塵念
況是山齋愜性靈已放杏花臨砌絳後凋松樹護峯青
嶺蹊來往呈眼底頻望軍書俯蜚檄

山東巡撫徐績奏報得雨

京畿雪作齊郊雨

徐績奏山東省城於二月廿一日申時至戌時甘霖應候入土

四寸不特麥苗長發即耕種亦及時可施覽之深為欣慰京畿二月十七日之雪亦將四寸且落地旋融潤滋原濕蓋雪與雨雖地氣

暄涼不同其為春膏霑渥則一也為澤原同名略

殊候以仲春異南北土稱四寸遍霑濡不惟勃長

賓薺麥更喜新耕利黍稷豫亦連疆被也未又因繼
念盼殷吾

至靜寄山莊駐蹕之作

薊州城外問前郵佳氣田盤早晷眸忽到松門昨日
似纔消蓮漏半時遒源桃塋杏紅將發橫嶺豎峯翠
欲流更憶香山春正好皇妃皇子奉

慈遊

香山春景正佳因命皇妃等於月之廿六日恭奉
皇太后駐靜宜園以適

遊豫並令皇六

子鹿蹕擬於三月三日
仍奉還暢春園

上

陵迴必駐山莊靜以洗心寄以常鏡水雲岑標道趣輕
萸嫩鶴續春光鳥能言却如話舊鹿本馴還不忍藏五
日小留豈孤負行看次第有詩償

題延春堂

每以春時至春光待我延梅心欣似啓柳眼望非穿窻
外雲山景堂中翰墨筵那能罷點筆得句却捐妍

引勝軒

人從外入軒謂有勝相引設人坐軒中謂引勝無盡是
則引與勝本自無定準然而軒及勝何曾有兆朕稱謂
乃由人於焉分畦畛

題含遠樓

目之所窮斯遠矣而樓含亦不過此心之所含難具言
其遠奚啻千萬里雖然却未可憧憧泰山時復蔽一指
照物而弗照於物仍覺茲樓會茲旨

韻松軒

既來斯韻松弗來松亦韻故知松韻匪待我時節因緣
斯有分泛濤如海色作青壯則旬旬細泠泠落空巽二
如有語少子應復難為聽

接要樓口號

無礙投來萬景紛接惟其要迴超羣試詢於我相關切
圖易思艱是所勤

雲林石室

雲林若無路石室忽有門循徑造幽居巖寄如植援樹

纔葉亦芳鳥雖鳴不喧間

去聲間

平聲

見遙岫出雲互吐吞

霑衣為濛濛誰曾動其根

雨花室口號

四時翠邈復青遮饒獨春林發萬葩數典寧須舉梵帙
山花一例是天花

石林精舍

萬石林中舍一間林石夥哉舍小矣然而憩坐舍中看
納石與林胥在裏將石擬林石客兮論林棲石林賓耳

然則誰當為主人舍以無言會其旨

題清音齋

一雙老柏庭前童童翠影森然萬古如斯風月六律那
屑管絃聞響略如句曲數典實本玉泉

玉泉山有清音齋康熙年間

題額也

安得心中無事詩書於此娛年

澹懷堂

背後峙宗壁面前臨敞齋既宏還致靜惟樸以為佳花
放香入戶草舒綠到階春光方駘蕩藉此澹人懷

雲起閣

三春於澤寧辭多為澤必資乎雲起高閣今朝有所欣
豈徒問景而已矣容容霽霽如可捫空為輿兮山為根
日未沈還田有待不同之處羸許渾

夜雨

二月廿八日

適纔高閣看雲起傍晚果見彌空矣山靈膚寸信有之
入夕細點時作止二更浙瀝聽有聲問稱砌土濕存水
我固軍書盼少眠值茲更復無眠已所惜雨來繼以風

半夜雨收雲散綺弗期之得慶未深將得之失怍轉委
均由不知足而然可悟人情與物理

曉

宿雨既已收山雲亦云泮烟容輕戀林泉聲紛落澗披
衣問報章曉氣清平旦齊風幾以勅孟語理堪玩泉明
云夕佳非全乃得半

御製詩四集卷十九